

- P R É Z E R V É L A N M O U - W -

An soley wouj a lORIZON, i ka désann anlè lavi-u.
Ou ka santiw tris san rézon, mé ou sav yo fini manti'w, fini...

Lè ou anba lapli Fo ou ni an abri
É deyè tout plézi Fo ou chwazi lavi.

Sé an vwayaj pou wou tou sel, pa ni pesonn anlè chimen-w
Ou alé o pli fasil, alò sé wou menm ki trasé desten-u.

Si ou ka ni jodi Ou ni tousa ou anv
Demen sa pé fini Alò songé lavi
Lè ou anba lapli Fo ou ni an abri
É deyè tout plézi Fo ou chwazi lavi

Jòdijou frè-an mwen ou pé pa inyoré,
Ni lanmò ka kouri, pa oubliyé.
I deyè sa ou anv, i anmitan tout plézi.
Pli gran dousè ki ni, pli bel jes dan lavi, sé di fè lanmou.
Mé jodi sé an jes ki pé tchwéw, alò fok ou aprann pwotéjéw.
Dan lespwa ki demen nou kay pé pawtajé lanmou épi viv.
Aids No ! Fè lanmou épi viv.
Prézervé lavi-w, prézervé lanmou-w, viv.
Prézervé lavi-w, prézervé lanmou-w, viv. Aids No !

Ou plonjé san réfléchi, oubliyé danjé ou té ka kouri.

Lè ou anba lapli Fo ou ni an abri
É deyè tout plézi Fo ou chwazi lavi
Si ou ka ni jodi Ou ni tousa ou anv
Demen sa pé fini Alò songé lavi.
(- Lanmou ka ba'w lavi, sé pa pou mò apré.
- Fo pa ou prizonié a an maladi)